

Allannguutissatut siunnersuut

Uunga siunnersuut: Annertuumik innarluutillit ikiorserneqartarnerat pillugu Inatsisartut peqqussutaata allanngortinneqarnera pillugu Inatsisartut peqqussutaat nr. xx, xx. xx 2010-imeersumut
(Innarluutilinnik isumaginninnerup kommuuninut nuunneqarnissaanut)

Aappassaaneerneqarnerani Naalakkersuisunit saqqummiunneqartoq.

§ 1-imut

1. § 26, stk. 2, imatut oqaasertalerneqassaaq:
”Stk. 2. Inunnut annertuumik inaarluutilinnut ulloq unnuarlu paaqqinnittarfiliornermut Naalakkersuisut tapiissuteqarsinnaapput.”

§ 2-imut

2. § 2 imatut oqaasertalerneqassaaq
”§ 2. Inatsisartut peqqussutaat atuutilissaaq 1. januar 2011.”

Siunnersuummut oqaaseqaatit

Oqaaseqaatit nalinginnaasut

Inatsisartut peqqussutaanut allannguutissatut siunnersuut saqqummiunneqarpoq Inatsisartut ilaqutariinnermut ataatsimiititaliaata siunnersuutip aappassaaneerneqarnissaanut isumaliutissiissutaa tunngavigalugu.

Allannguutissatut siunnersuutip inatsisitigut tunngavigisai misissorneqareerput. Peqqussutissamut siunnersuut allaffissornikkut kinguneqartitsissanngilaq. Peqqussutissamut siunnersuut aningaasatigut kinguneqartitsissanngilaq.

Aalajangersakkanut ataatsiakkaanut oqaaseqaatit

Nr. 1-mut

Aalajangersagaq nutaajuvoq. Aalajangersakkakut aalajangerneqarpoq inunnut annertuumik inaarluutilinnut ulloq unnuarlu paaqqinnittarfiliornermut Naalakkersuisut tapiissuteqarsinnaanerat.

Aalajangersagaq meeqqanut inuusuttunullu ikiorsiisarneq pillugu peqqussutip aalajangersagartaanut assingusuvoq, siunnersuummi matumani inunnut annertuumik innarluutilinnut paaqqinnittarfiit ingerlanneqarnerannut tapiissutinik qinnuteqarsinnaanermut inatsisitigut periarfissaqartitsinnginneq eqqaassanngikkaanni.

Nr. 2-mut

Siunnersuutigineqarpoq Inatsisartut peqqussutaat atuutilersinneqassasoq 1. januar 2011-mi.

Tassunga atatillugu 1. januar 2011 sioqqullugu aalajangerneqarsimasunut naammagittaalliutigineqarsimasut Naalackersuisunit nassuiaatigineqartassapput, 1. januar 2011-lli kingorna aalajangerneqarsimasunut naammagittaalliutigineqartut kommunalbestyrelseniit nassuiaassutigineqartassallutik.